



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 25. S. Bernardus Mediolani.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII.
A.C. 1134.

§. XXV.

S. Bernardus Mediolani.

vita. lib. II. c. 2. n. 9. Soluto Concilio Pisano Dominus Papatem Claravallis, quem multis precibus expetierant, cumque eo Guidonem Episcopum Pisanum & Matthæum Albanensem Cardinales a latere suo misit, qui Schisma Duce Anselmo illius urbis Archiepiscopo natum delerent, & ad unitatem Ecclesiæ devios revocarent. Suadente autem S. Bernardo consenserunt duo Cardinales, ut ipsorum consortio in hac profectioe adderetur Geofridus Episcopus Carnotensis, cujus viri merita S. Bernardus sæpius sibi explorata habebat. Mediolanenses, S. Abbati procul a ci-

comperta. Et post pauca: *Duraverunt hæc tempore mala, ad quæ spectant, quæ idem Petrus Cluniacensis habet in alia sua epistola lib. 4. ep. 33. Romam pro injunctis negotiis quemdam Priorem contendere voluisse, nec potuisse, quod audisset, . . . capi monachos, spoliari Episcopos, interfici Clericos, nec illis Religionem nec istis Dignitatem prodesse. Itinera obstructa latronibus, raptoribus campos, gladiatoribus servas oppletas, ipsumque Latium, singularem olim Romanæ gloriæ Sedem, non civibus sed barbaris & hostibus sævissimis infestatum, gemere. Hactenus Petrus Cluniacensis.*

a civitate milliariis septem obviam tur-
matim procedentes, deosculabantur uni-
versi pedes ejus, licet hoc ille moleste
acciperet. Vellicabant etiam pilos de
ejus vestimentis, ægrotantibus remedio
futuros. Præcedentes itaque & subse-
quentes lætis acclamationibus S. Abba-
tem ad hospitium deduxerunt. Nego-
tium deinde, cujus causa Bernardus &
Cardinales advenerant, publice tractari
cœpit, populus se submitit, reconciliata
Ecclesia, & civitati pax rediit.

In illa Mediolanensi commoratione
S. Bernardus complura miracula præfer-
tim in energumenos edidit, quæ ipse vi-
væ Fidelium fidei, ipsi autem Abbatis San-
ctitati adscribebant. Adducunt ad eum
mulierem, omnibus notam, quam annis
septem immundus vexaverat spiritus, &
supplices postulant, ut Dæmoni fugam
imperaret. Tanta populi in se fiducia
verecundiam Bernardo ingerebat, & hu-
militas magistra, ne insolita tentaret,
prohibebat. At contra erubescere, a
populi fide suam superari, timebatque ne
Deum offenderet, si Divinæ Omnipoten-
tiæ diffideret. Tandem ausus suos Spi-
ritui Sancto commendat, oratione præ-
missa Dæmonem fugat, mulieremque
tranquillam reddit & incolumem. Læ-
tantur circumstantes, & levatis ad sice-
ra manibus, Gratias Deo agunt. Quo

A a a 4 pro-

Sæcul. XII.
A.C. 1134.

11. 106

Sæcul. XII. prodigio in vulgus sparso urbs tota com-
 A.C. 1134. mota est, conveniunt undique, omnes de
 Viro Dei colloquantur, nec aspectu nec
 auditu satiari possunt, singuli S. Abbatem
 contingere aut ejus accipere Benedictio-
 nem gestiunt.

n. 11. 12. 13. Alios præterea Energumenos Vir San-
 ctus per virtutem S. Eucharistiæ, per
 aquam benedictam & signum Crucis li-
 beravit. Multos etiam sanavit ægros,
 atque præ frequentia populi, qui a mane
 usque ad vesperam foribus assidebat, la-
 borem imbecillo corpore non ferens, ad
 fenestras domus procedebat, ut se saltem
 conspiciendum præberet, & elevata ma-
 nu cunctis benedicebat. Panes quoque
 & aquam secum devehebant, quibus Be-
 n. 18. nedictioni ejus suppositis, ea pro benefi-
 ciis Sacramentalibus referebant. Ex vi-
 cinis castellis & urbibus Mediolanum
 confluebant, ut Virum Sanctum viderent.
 Ipse pluribus febricitantibus manum im-
 ponens, & aquam benedictam ad biben-
 dum porrigens, sanitatem impetravit.
 Aridas manus, & membra paralyti dissi-
 luta, tangens incolumitati restituit, cæ-
 cis, S. Bernardo signum Crucis forma-
 te, compluribus testibus præsentibus, lu-
 men rediit. Tot inter miraculorum glo-
 riam & applausus populi S. Abbas, solida
 humilitate nixus, Archiepiscopatum Me-
 diolanensem, quem ut reciperet, persua-
 dere

dere omnibus viribus conabantur, con-
 stanter rejecit. Ergo Ribaldus Anselmo
 Schismatico per electionem sufficitur; ^{Sæcul. XII. A.C. 1134.}
 Papa autem civitati Mediolanensi adem- ^{Bern. ep. 131.}
 ptam prius Dignitatem Metropolis red-
 didit. Porro cum S. Bernardus Medio-
 lani multos ad conversionem morum suo-
 rum permovisset, eorum numerus ad
 constituendam novam Ordinis sui Con-
 gregationem suffecit, atque anno sequen-
 te 1135. non procul ab urbe Monasterium
 conditum est, quod Claramvallem dixe-
 runt. Mediolano S. Abbas, jubente Pa-
 pa, Ticinum & Cremonam divertit, Res
 Longobardiæ compositurus; sed Cremo-
 nenses, prospera fortuna inflati, S. Viro
 aures præbere renuerunt.

ep. 134.

§. XXVI.

Matthæi Cardinalis extrema.

Matthæus Cardinalis Episcopus Alba-
 nensis Pisas reversus ex illius pro-
 fectionis labore ventris profluvium con-
 traxit; æstivum enim tempus erat, quo
 sol intolerabiliter ardens corpora adure- ^{Petr. Clun. II. mir. c. 17.}
 bat. Per menses quatuor & dimidium
 vi morbi reluctatus, nec lecto se tradi-
 dit, nec quidquam de officiis consuetis
 dimisit. In Curia Papali causis Ecclesia-
 sticis assidue vacabat, Officium Divinum
 & prolixam Cluniacensium Psalmodiam
 exacte persolvebat, singulis diebus pro

A a a 5 more